

TSAJTIÁGO

Tsajtiágo cáátúnuháámi

Duurúvaju

¹ Oo íñe Tsajtiágo Avyéjuube Jetsocrijtoma Píivyéebemútsí ñcúve múnáajpi o íjcyaaabe ámuéhakye ó duurúvá 12-nevá dohjíba múnaa ijraéémú meijcyámedítýú ámuéhakye ditye wáchájanúmé panévá íñúñínévú ámuha memújtámeke.

Píivyéébedítýú tsááne waajácu

² Ámuúha táñahbémuñ, páhduváre nééne evélejuúné ámuháma íjcyároné pañe múu íllure imíjyuhíjcyáhi.

³ Muurá méwaajácú Píivyéébeke mecáhcújtsómema íjcyáné evélejuúné meke pátsárijcyoroné íllure meke píaabóné éhníñevu ímí dííbyeke meúráávyeki. Ááneri muurá mépiivyété ímítyunéhjí meke pájtyeroné maáábucúne.

⁴ Áánéllii ímíñeúvú météhmeméí ténehji ámuha maáábucúne ímíááméré meijcyaki. Áijyu muurá ímí ámuha meijcyaaá íñe ímítyú ámuéhakye táhjatúmeréjuco.

⁵ Áánetu tsaate ámuhadítýú muhdú meijcyáiyóné wáájácútmé múu Píivyéébeke táúmeí ámuéhakye díbye iwáájácútsoki. Díibye ihdyu ámuéhakye waajácútsóo panévavúré ñná néétuubére.

⁶ Árónáa ihdyu ámuha metáúmeícyooca tsá múu íjtsámeítýú díbye ámuéhakye píáábóityúne. Múu

cáhcujsó dibye ámuhákye píááboíñe. Muurá páhduvaré ámuha meíjtsámeihajchíí ámuha méijcyá éhne múúne mooa kíjyébári nóhjine íjcyadu.

⁷ Aane ehdu néeme tsá íjtsotú Píivyéébeke ityáúmeíñe iújcuíñe.

⁸ Muurá ehdu páhduvaré íjtsámeímyé tsá múijyú tsajíjtóré íjtsámeítyuróne.

⁹ Áánetu ihdyu idáátsóméhjiúvú ímiááméré íjcyané cahcújtso múnaa imíjyúúhií. Muurá tehdu néemeke Píivyéébe ímí íjtsúcunúhi.

¹⁰ Téhdure íhtsutúme éhnéva múnaa íjcyame imíjyúúiyá ídáátsonúcoóca. Muurá diitye tsaímíyé íjcyá múhajchótáwuúra éhne wajco íñe imíjyaú néérone wáhájchotáwuúré íjcyadu.

¹¹ Muurá núhba ájchuri íjtone ílluréjuco tsóuuvéne. Ehdu muurá diitye íhtsutúme éhnéva múnaa dsíjívécocca diityé tsíeméné ílluréjuco níjkeváne.

Ímityúne úmuupívyeháñe

¹² Áánetu ihdyu maímijyu diitye eene ímityúneri iúmúúpívyeróné áábúcu híjcyámé íjcyanej. Muurá tehdu néemeke téene áhdó Píivyéébe ajcú múijyú diitye dsíjívéjúcoóítyúne bóhívu dííbyekée wájyúmeke iájcuíñe íñéhdújuco.

¹³ Áánetu tsaate ímityúne imyéénúiyóneri úmúúpívyehíjcyámé tsá nééítyuró Píivyéébe nééjuri téeneri iúmúúpívyehíjcyáne. Tsá muurá múijyú dibye úmúúpívyéítyuró ímityúne imyéénúiyóneri. Áhdure tsá dibye muucá úmúúpívyétsóítyuró ditye ímityúne imyéénuki.

14 Muurá ihdyu méhdityuré íjcyane meere ténéhjiri meíjtsámeíñéllii méúcaáavehíjcyá téené pañévu.

15 Aane téénevúréjuco meíbúwáávéné níjcaúvú muurá ílluréjuco mewágóóóvéiyóne.

16 Ehdu teéne, ámuúha táñahbému. Ahdícyane tsáma ténéhjívú máállítsámeídíñe.

17 Muurá ímiááné íjcyane tsáá caame íjcyabe Píívyéébedítýú íyévéhoowávú peetéháñé ípívyéjtsóóbedítýu. Aabe muurá tsá mújyú íjtsaméí tsíhdyuréjuco cápáyoácóítýuróne.

18 Muuráhjáa ímíllénéllii meke ímíjpyetétsoobe múhdurá menééromeke dííbyeéjtsé meíjcyaki.

Píívyéébeke meúráávejito

19 Ahdícyane, ámuúha táñahbému, múu ímíñeúvú lleebúcunú tsaate ámuúhama íhgyuváne. Tsá múu pecútéré íhgyúvatúne. Téhdure tsá múu cááyóbatúne.

20 Muurá cááyobámé tsá Píívyéébe ímillédú íjcyatúne.

21 Áánéllii ímityúné ámuha meméénuhíjcyané meíhvéjtsóne Píívyéébedívú meídátsójkímyeíñe dííbyé uwááboju ímíñeúvú méuráávyé. Teene muurá ihdyu meke pájtyetétso mewágóóóvéiyónetu.

22 Áronáa ihdyu tsá múu teene uwáábó ávyetá lleebúcunúré méénutúne. Tene néhdu múu íjcyáhi. Muurá tene néhdu ámuha meíjcyátúhajchíí ámuháyé máállímyeíhi.

23 Muurá tsaate ávyétá lleebúcunúré meenú éhne múúne m'ícúmiri méhúmi me'ítémeídyu.

24 Muurá me'ítémeícyoocaré méwaajácúmeí muhd'íivamé meíjcyane. Áánetu me'ítémeítyúcooca tsáhájucó mewáájácútu muhd'íivamé meíjcyane. Ehdu muurá diitye uwáábó ávyétá lleebúcunúré méenuhíjcyáme.

25 Áánetu ihdyu Píívyéébe ímityúnéhjitu meke túkévejsóné ábáj'ívetúmeré tsaímíyé meúráávyémeke píááboobe panévatúré ímí meíjcyaki.

26 Áánetu 'tsaímíyé Píívyéébeke ó úraavyéhi' menéérome peecútéré ímityúné meíhjúvahíjcyáhajchíí meere máállímyeíhi. Aane tsá íínetú meke píáábotúne.

27 Muurá ihdyu ímiááné Méécáánikye meúraavyémé mépíaabó úújóveke. Téhdure mépíaabó pííbájyujtéké panévatúré íná diityéké pátyehíjcyánéhjitu. Aame tsáhájucó me'ícúvetú múhduná íjíene ímityúné íjcyánéhjiri.

2

Tsahdúré pámeekéré me'ícúvéiyóne

1 Ámuúha táñahbémuj, ímiáábé Máavyéjuube Jetsocríjtoke ámuha mecáhcujsómej, tsá tsaatékeré ímí meíjtsúcunúityuróne. Tsahdúré pámeekéré méjtsúcunúiyáhi.

2 Tsáijyu muurá tsaapi ehnéva múnáajpi imíwu néené wajyámuma óóropáájí íhyójtšwapáájí íjcyabe ámuha éllevu úúbámyénúúbé raahóri

téhdure tsijpi ídáátsoobe átéréja íwajyámuma uubámyénúiyáhi.

3 Aane diibye ehnéva múnáájpikyéré ámuha ímí mewáátsúcúne 'íchihvu ímítsihvu dacúúve' menéene diibye ídáátsóobeke 'étsihjívúré baavu dacúúve' menéhajchíí muurá ímityúné íjtsaméiyé ámúhá pañe.

4 Aane muurá ehdu íhtsútúúbekéré ímí mewáátsúcúhajchíí tsúúca ímityúné mémeenúhi.

5 Aane cáhawáá íñe ámúhama o íhjuváné ímíñeúvú melleebúcunu, ámuúha táñahbému. Muurá Píivyéébe ídáátsojtéké ujcú dííbyeke ditye icyáhcujsóne íavyéjuutéki. Muurá neebe dííbyeke wájyúmeke íavyéjútsoíñe íavyéjuvu.

6 Áánaa ¿iveekí ámuha diityéké meéhdíiválleneri ménúcópívétsohíjcyáhi? ¿Aca tsá ámuha mewáájacutú téhdure íhtsutúmé ámúhadi ícúbáhráne ávyéjuté éllevu ámúhakye tsátyehíjcyáne?

7 Áhdure ¿aca tsá ámuha mewáájacutú ditye túútávátuube Mépájtyetétsoobe Críjtoke meuráávyehíjcyáábedi úúhívatéhíjcyáne?

8 Áánetu ihdyu Píivyéébé taúhbaju íwaajácúháámitu 'pamévakéré múu wajyú muhdú u wájyúmeídyu' néhdu ámuha meíjcyáhajchíí ímiááne tehjújuco ámuha meméénune.

9 Árónáa tsaatékeré ámuha ímí meíjtsúcunúhajchíí ímityúné ámuha mémeenúhi. Ááneri ámuha ménéétsámeí Píivyéébé taúhbaju néhdu ámuha meíjcyátúneri.

10 Muurá tene néhdújuco meúraávverómé tsane néhdu meíjcyátúhajchíí tsúúca ijcyané ímityúné máhallúri.

11 Muurá Píívyéébe nééhií: “Tsá múu ihdícyámema dómácójcatsítyúne.” Téhdure tsiíñe neébe: “Tsá múu míamúnáake dsíjívétsotúne.” Aane muurá ihdícyámema medómácójcatsítyurómé tsaatéké medsíjívétsóhajchíí tsúúca ímityúné mémeenú tsane Píívyéébe taúhbaju néhdu meíjcyátúnéllíhíye.

12 Áánéllíi múu ímíñeúvú íjtsámeíñé ímiáánéré meenúhi. Muurá Píívyéébe mééma ténehji ímíbájchoó muhdú béhné pítýájcoju néhduú.

13 Muurá tsíjtyedi meídáátsóvétúmedi téhdure tsá díbye ídáátsóvéityúne. Áánetu tsíjtyedi meídáátsóvémedi téhdure ídáátsóvéiíbye pámeere muhdú meícyahíjcyané ímíbájchócoóca.

Píívyéébeke mecáhcujsóne

14 Ámuúha táñahbému, ¿a ímí tehdujuco teene ‘Píívyéébeke mecáhcujsóhi’ menéérome díbye ímillédú meíjcyatúne? ¿A ehdu meíjcyame mépájtyetéiyáhi?

15 Tsáijyu muurá tsaate ménahbému ídátsó imájchoma íjcyatúme ídyé wájyamúúvátúmeke ámuha ménééiyáhi: “Ámúhá wajyámuunévú tsaímíyé meújcámeíñe memájcho.”

16 Ehdu diityéké íñevú ájcutúmeré ámuha menééne ¿aca íñetú diityéké píáábóiyáhi?

17 Ehdu muurá ‘Píívyéébe ó cáhcujsó’ menéérómedítýú ímiáánéré meméénune

bóhówaucunútúhajchíí tsá íinetú meke tene píáábotúne.

18 Muurá tsaate meke nééiyáhi: “Ú nehíjcyá apááñéré Píívyéébeke u cáhcújtsóneri tsúúca dííbyeéjpi u íjcyane. Áánetu ó nehíjcyá téhdure dííbyeke o cáhcújtsóobe ímiááné o méénúneri dííbyeéjpi o íjcyane.” Ehdu muurá tsaate meke nééiyáhi. Aane íñe ¿muhdú méúújétsó Píívyéébeke mecáhcujtsóné díbye ímillédú meíjcyátúhajchííjyu? Muurá ihdyu apááñéré ímiááné meméénúneri méúújétsó dííbyeke mecáhcujtsóne.

19 Aane íhya ihdyu tehdújuco ámuha mecáhcujtsóné tsáápiye Píívyéébe íjcyane. Muurá idyé naavémú dííbyeéjté íjcyaturómé téhdure dííbyeke iwáájácúúbeke illíhi.

20 Aanéjííva ¿muhdú ámuha méijtsúcunú pevénéré dííbyeke mecáhcujtsómé díbye ímillédú meíjcyaturómé dííbyeéjté meíjcyane? Tsá ehdu tene néétune.

21 Muuráhjáa méíhdé múnáajpi Aavaráaúvuke Píívyéébe ímiáábedi dilló díbyeé dííbyeke icyáhcújtsóóbeke íícúve ílli Itsáake dsíjívétsóiyónéllííhye.

22 Aane muurá méwaajácú ímiááné Píívyéébeke díbyeúvú ímí cáhcujtsóné díbyéhjáa néhdu díbye méénúnéllííhye.

23 Muurá Píívyéébé waajácúháámitu nééené: “Aavaráa Píívyéébeke ímí cáhcújtsónéllíí ímiáábedi dííbyeke díllóobe.” Ehdúhjáa díbye ímí cáhcújtsónéllíí Píívyéébé nahbévaabe dííbye.

24 Ahdícyane íhya tsúúca ámuha méwaajácú

Píivýéébe meke ímiáámedi díllone dííbyeke mecáhcujsómé dibye néhdu meíjcyámeke.

²⁵ Téhduréhjáa muurá nahtsíwamééwá Raáake díllóobe ímiáálledi dílléhjáa ijraémudítýú waajá múnaa íhcyóómivu úújetémeke técoomí múnaa dsíjívétsóyónetu pájtyetétsónéllíhýe.

²⁶ Aane muurá Píivýéébeke mecáhcujsorómé dibye ímillédú meíjcyátúhajchíí tsá íínetú meke tene píáábotúne. Aame meíjcyá ídátso wáájácúmeítýúmé éhne múúne medsíjívéné boone peveneréjuco méjpi íjcyadu.

3

Meíhjuváne

¹ Ámuúha táñahbému, tsá múu uwáábojtédí iiye idílloméíñe peecútéré tsíjtyeke ímityúné dítye íjcyane néétune. Muurá méwaajácú uwáábojte panévare wáájácúromé ímityúné méénúhajchíí éhnííñevu íhnáhó díityémá tene ímíbájchoméíñe.

² Muurá pámeere ímityúné mémeenúhi. Áánetu íhdyu tsaate tsáijyúbaré ímityúné íhjuvátúhajchíí ímiáámé dítye. Aame píivýeté panévaturé ityéhmémeíñe.

³ Muurá íjímuke métsajtyé meímílléhullévú íhjuháñetu úwáñéíwuúné mepícyóóneri.

⁴ Téhdure muurá cújúwamííne témíhjí túkevjtsojte kémúúturóné itýúkevjtsojííneri íimílléhullévú túkévejtso íhnáhó kíjyeba íjcyarónááca.

5 Ahdu muurá méjplítyu méhñjìwa áyárowari ímityúné mémeenú meihjyúváneri. Cáhawáá méjtsúcunu muhdú cúújúwari tsátsíhwuúré pééteróné líyaaténé báju áíucúne.

6 Ehdu muurá ímityúné meihjyúváneri métútávajtsámeí teene cúújuwa báju tútávajtsódu. Aane tsahíjcyá cúújúwá pañevú wágóóóvéiibye Naavénedítyu.

7 Muurá pamévá íyámedítyú íññújiri úllemee, wahpéjtee, nújpácýó pañe úllemee, íjcyámedítyú ápíchó néérómeke ímí metéhmeme ívámeímyé tsá meke tútávajtsotúne.

8 Áánetu tsá mújyú méhju metéhmétyuró meke dsíjívetsóné námijtyádú nééne néhni meihjyúvahíjcyaju.

9 Muurá tééjuri Méécáánikye medúúrúvahíjcyájuríyé idyé dílbyerée ípívyejtsómé míamúnáake méuhbáhi.

10 Ehdu míñéecu tééjuri méihjyúvahíjcyá ímiáánee, ímityúnee, íjcyane. Tsá tehdu tene nééítyuróne, ámuúha táñahbému.

11 ¿Aca ímiá nujpácýó íjchívyétsihdyuré idyé nehniwu néjpacyo íjchívyéiyáhi?

12 Áhdure ¿aca higyéerahe néévaiyá atseitóona? Áhdure ¿aca óovahe néévaiyá híigoó? Áhdure muurá tsá tsahéjuturé núpáhyéjutu ímiá nujpácýoma cánáámajpácýó meújcúítyuróne.

Ímiá waajácu

13 Aane ímiááné waajácu múnaa ámuha meíjcyáhajchíí óví ímiááméré ámuha

idaátsóméhjiúvú meijcyane ámuhadítýú bóhówaúcunúhi.

14 Áánetu ámuha tsíjtye íjcyari menómíutááváne ámuháyé ímí meijcyáiyóneri metsúúrameihajchíí tsá ímiá waajácú múnaa ámuha meijcyatúne. Íllure ámuha máallíhi. Aame tsá íínerí ámuha memítýájkímeítýuróne.

15 Muurá ehdu nénehji tsá Píívyéébedítýú tsáátune. Íjienéré teene Naavéne éhne.

16 Muurá iiye ímí íjcyáiyóneri tsúúrameihijcyámé tsíjtye íjcyari íñómíutááváne panévare ímityúné méénuhíjcyáhi.

17 Áánetu ímiá waajácú Píívyéébedítýú tsáánema íjcyame ímityúné méénutúmé pamévamáyé ímí ijcyáhi. Aame tsá tsíjtyeke éhdiválletúne. Áhdure tsá ditye állíuutúne. Pamévakéré íídaatsólléne píaabóme.

18 Ehdu ímí ícyahíjcyámema teene nijkévaá tsaímíye.

4

Ííñújíene

1 Áánetu ¿aca kiátú íjcyane ámuha mémúnáátsócatsíhijcyáhi? Muurá ihdyu ámuhadítýuré íjcyane ámuháyé ímityúnéhjiri meúmúúpívyehíjcyánéllii ámuha mémúnáátsócatsíhijcyáhi.

2 Muurá ámuha tsíjtyé tsíeméné múhdutú dityédítýú meújcúítýuróné nomíúú tééné hallútú dityémá méméénúcatsíhijcyáhi. Aane muurá tsáijyu ámuha médsíjívétsohíjcyá diityéké tééné hallútú

ámúhadítýú píhtone Píivýéébeke ámuha ímíñeúvú metáúmeíhíjcyátúnéllíihye.

3 Muurá ámuha dííbyeke metáúmeiyónáa tsá dibye ámúhakyé ácu híjcyatú ímityúné ámuha metáúmeíñéllíihye. Muurá ámuha metáúmeíhíjcyá íllure tééneri ámuha meímíjyúúveki.

4 Ámuúha, Píivýéébeke ímíñeúvú úraavyépítýúné míamúnaaj, ¿aca tsá ámuha mewáájacutú ímityúné ííñújíene meméénúneri íllure Píivýéébeke memúnáátsohíjcyáne? Muurá dííbyeke wájyutúmé tééneriyé tsúúrameíhíjcyámé tsá ímí dííbyema íjcyatúne.

5 Muurá dííbyé waajácúháámitu nééneé: “Píivýéébe Íapííchó mépañévu pícyoone meke iwájyúne nomíuuváhi.”

6 Aane meke iwájyudu íjcyaaabe meke píáábohíjcyá ímityúné metáhjaki. Muurá tsiíñe dííbyé waajácúháámitu nééneé: “Píivýéébe píaabó idáátsóméhjívú néémeke. Áanetu ‘mityáhmítýá’ néémedi tsá dibye íícúvetúne.” Ehdu muurá nééne Píivýéébe waajácúháámitu.

7 Áánéllíi dííbyeke maávyejúúlléne dííbyedívú méíhvéjtsaméi Naavéné ámúhadi tsúúrameiyóneri íícúvetúmére. Áíjyu muurá ílluréjuco ámúhadítýú dibye íhvetéíñe.

8 Ahdícyane ímityúné ámuha meméénuhíjcyánéhjitu meímíbaávýéne ímíñeúvuréjuco Píivýéébema meíjcyá téhdure dibye ímí ámúhama íjcyaki. Téhdure míjijtócú ámuha meúráávýehíjcyánetu meímíbaávýéne

dííbyekéréjuco méuráávye.

⁹ Aame mékímóóveméí ímityúné ámuha meméénuhíjcyáneri metsárvyénema. Óvíjyacóóné ámuha meímíjyuhíjcyáne.

¹⁰ Íllure méídátsójkimyéí Píívyéébedívú díbye ámúhake ipíááboki.

Ménahbémudítýú meíhjuváné ímityúne

¹¹ Ahdícyane, ámuúha táñahbémuj, tsá múu ímityúné íhjuvatú íñahbémudítýu. Téeneri muurá íllure ámuha méehdíívállehíjcyá Píívyéébé taúhbaju. Muurá meke neebe mewájujycatsíki. Aane mecáhcújtsóiyótsihvu ímityúné meíjcyáneri dííbyé taúhbaju méehdíívállehíjcyáhi.

¹² Muurá ihdyu ápáábyéré díibye téené taúhbajúvúu meke ájcuube nééiyá muhdú meíjcyane. Áábere ihdyu meke pájtyetétsóhi. Áhdure meke waagóóbe. Aanéjííva ámuha ¿muhdú tsijtye íjcyáneri méihjuváiyaíhi?

Tsá mewáájácutú méúmiwa

¹³ Cáhawáá ímíñeúvú melléébone méíjtsaméí eene 'técoomívú mépeé tsané pijcyábá náhjihe meméénúneri medsíídsívakí' ámuha menéhíjcyáme.

¹⁴ Muurá tsá ámuha mewáájácutú muhdú méúmiwa íjcyane. Muurá éhne cúúvéneturé íjcyáne ójtsó íícúiyé kiávú péiñúdú meé. Aame tsá mewáájácutú múhajchótá ííñújiri meíjcyaiñe.

¹⁵ Áánéllí múu íllure nééhií: "Óvíí Píívyéébe ímílléhajchíí teene mémeenúhi." Éhdure múu íhjuváihi.

16 Áronáa ¿iveekí ímíñejíí illure ámuha metúmeíñe ménehíjcyá ámuháyé meímillédú meméénúiyóne?

17 Muurá ímiáané íjcyane imyéénúiyóné wáájácuromé teene méénútúhajchíí tsúúca ímityúné meenúmé téeneri.

5

Muhdú ehnéva múnáake tene pájtyeíñe

1 Áhdícyane, ámuúha ehnéva múnaaj, mékímóóveméí ímityúné ámúhakye pájtyeíñeri.

2 Muurá ámúhá tsíeméné ámuha mewájuhíjcyaróné nójcánuúhi. Ámúhá wajyámúúné ímiájáhjí máharúmú májchoóhi.

3 Áhdure ámuúha dsíídsí ámúhadívú tútávááveéhi. Aane múhdurá ámúhama níjkevámé ámuha méíjcyáá wáájácuratúmeréjuco éhne múúne cúújuwa tsíeméné áiúcúdu. Ehdu ámúhama níjkévaíñé nihñéétsihvúré ímityúné hallúvú bañúháñé ámuha medsíídsí vahíjcyáne.

4 Muurá ámúhá wákimyéi múnáake ámuha ímí maáhdohíjcyátúneri dítye íhgyúvahíjcyané íhtsútuube Píívyéébe waajácúhi.

5-6 Áhdure waajácuube ííñújri ííne imíjyaú ámuha méíjcyame íná ámúhakye píhtotúmé ííne ímityú ámúhakye méénútúrómeke ámuha medsíjívétsohíjcyáne. Árome ámuha méníjkévaá éhne múúne ócájímuke iújcávátsómeke dítye lííhyanúdu. ¡Ehdu ámúhama tene níjkévaíñévú tsúúca méúújéteéhi!

Píívyéébema meíhgyuváne

7 Ámuúha táñahbémuĵ, óóchévetúméré ihdyu Jetsóoke météhmeĵyá múĵyú tsiíne dibye tsááiñévújuco éhne múúne úmihé múnáajpi ibáĵtsó téhmeĵyádu. Muurá óóchévetuubéré téhmeĵyá níĵya áálléneri kéémevéné iúĵcuki.

8 Ahdu múu ĵcyáhi. Muurá Jetsóó tsááiñe tsúúca pihĵjucóóhií.

9 Áánélli ĵmityúné médářívĵcátsídí ámuhá hallúrí teene ĵjyátuki, ámuúha táñahbémuĵ. Muurá ténehĵi mééma ímíbáĵchóiibye tsúúca meke tehmeĵi.

10 Áánélli múu ĵcyá íhdée Píívyéébé ihjyú uubálle múnáaúvú ícyahĵyádu. Muuráhjáa panévari ícúbáhrámeĵyonéĵi aabúcuĵyáme.

11 Aane méwaaĵácú ícyooca tsáimiyĵjuco ditye ĵcyane ípyée íáábúcuĵyánélliíhye. Muurá ámuha méwaaĵácú muhdúhjáa Jóóvu téhdure ícúbáhrámeĵyonéĵi áábúcuĵyánélli Píívyéébe dííbyeke ííne imĵyaúréĵucó pícyoóne. Muurá ímiááné mítyane meke idáátsólleébe.

12 Ahdícyane, ámuúha táñahbémuĵ, tsá múu níĵkyejíi, ííñujíi, ĵjyánema tsíñéĵi mémé dómáĵcotú ímiááné ámuha maállityúné menéecoóca. Tsá múu óvíi muhdú níĵkyéĵima ííñují ĵjyá o állíhajchíĵju néetu téené hallútú Píívyéébe ámuĵhake ĵcúbáhrátuki. Múu ímiááné tene ĵjyáhajchíí 'ééé, tehdújuco teéne' nééhií. Áánetu ímiááné tene ĵjyátúhajchíí múu 'tsáhaá' nééhií.

13 Aane ámuĵadítú tsatéké ĵmityúné páĵtyeme ícúbáhrámeíhajchíí múu ihjyúvá Píívyéébema ámuĵhake dibye ipíááboki. Ááne múu ímĵyuri

májsivá dííbyeke idyúúruváne.

¹⁴ Téhdure ámuha mechémécooca múu píuvá cahcújtso múnáá túkevjtsojtéké ditye ámúhake Píivyéébe mémeri dúúrúbájpácyori ipípájchóne ámúhá hallúvú piáábó ityáúmeí ámúhake dibye ibóhíitsoki.

¹⁵ Ájyu muurá ámúhake bóhíitsóiibye ímiáané ámuha mecáhcújtsóne dííbyeke metáúmeihajchíjyu. Áhdure ímityúné ámuha meméénuhíjcyané ámúhadi ídáátsóvéne ábájívéíbye.

¹⁶ Áánéllii ímityúné ámuha meméénuhíjcyané tóónutúmeré míamúnáá úmíwávú Píivyéébeke meúúbálléne dííbyeke piáábó métáuméí ámúhake dibye ipiááboki. Muurá ímiáané ímí dííbyema íjcyame tsá báñúmeítyú iná ityáúmeíñeri.

¹⁷ Muuráhjáa éíjyuúvú méhdure nééroobe Eriáúvú dííbyé ihjyú uubálle múnáajpi dííbyeke táúmeí tene iáállétuki. Ahdújucóhjáa tsá tene álletú 3 pijcyábáj piínévu.

¹⁸ Áané boonéhjáa idyé tsiíñe táúmeíbyé dibye iállétsoki. Ahdújucóhjáa tsiíñe maálléneri panévaré ííñéne néévane.

¹⁹⁻²⁰ Aane ámuúha táñahbému, tsaate ámúhadítýú ímiáájú iúráavyénetu mújtámeke tsijtye ímíjpyetétsóhajchíi muurá diityéké piáabómé Píivyéébe diityédí ídáátsóvéne diityé ímityuháñé iábájíve ditye iwágóóóvétuki. Áyu tehdújuco.

Píivýéébé ihju: jetsocríjyodítýú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
6f878dbd-e896-5e27-b788-1442926dfc48